



Bulteno de la Londona Esperanto-Klubo

www.espinfo.org/lek

Septembro - Oktobro 2021

Kluba programo:

Septembro:

3. LVS: **Kongresaj raportoj**. Rakontoj de ĉeestintoj.
10. LEK: **Mark Pallen**: Aventuroj kun nomoj de mikroboj.
17. LEK: **Norman Berdichevsky**: La evoluo de la hebrea lingvo kaj de Esperanto.
24. LVS: ~~Aljoŝa Salomaton~~ **Aleksej Salomaton**: Fotoj.

Oktobro:

1. LEK: **Trezoro Huang Yinbao**: La Unesko-kampanjo de UEA
8. LVS: Anoncota.
15. LEK: **Adje Adjevi**: La agado de la Afrika Komisiono de UEA.
22. LVS: Anoncota.
29. LVS: **Klaas Dijkstra**: Kampofajro.

Loko, horaro kaj aliaj informoj:

Ni kunvenas vendredvespere. Dum la kronvira krizo, kunvenoj okazas per la reta sistemo Zoom, komenciĝante je 19h (UTC+1). Kunvenoj ĉe Old Diorama Arts Centre ankoraŭ ne povas okazi vendredvespere. Novaj spektintoj bonvolu peti ligilon al proksim-vendreda Zoom-renkontiĝo de lek.sekretario@gmail.com.

Haveblas ankaŭ, ĉe Jutubo, registraĵoj de prezentoj jam okazintaj. Bonvolu viziti espinfo.org/lekrano



Mesaĝo de la prezidanto:

Karaj LEK-anoj,
Kiom rapide flugas la tempo! Jam finiĝas la dua 'pandemia somero'. Kiom mi ŝatus aldoni la prefikson 'post' antaŭ la vorto 'pandemia', sed dume tio ne eblas. Ni vivas en tempo de multaj necertecoj: kiam ni renkontiĝos denove? Kie? Kiel vivos la klubo en la estonto? Kiel ni varbu novajn membrojn kaj allogu malnovajn veni pli ofte? Kiel ŝpari monon de la klubo kaj enspezi pli?

Ni ĉiuj havis viglan enretan vivon: la klubaj kunvenoj okazis regule ĉiuvendrede. Kaj se iu ne povis partopreni nun eblas kapti 'la tempon perditan': rigardi registraĵojn en la Jutuba kanalo de LEK. En la momento de mia skribado ĝi jam havas 180 subskribintojn. Aliĝu se vi ankoraŭ ne aliĝis, komentu kaj subtenu.

Ni nun havas bonegajn rilatojn kun la Antverpena Esperanto-klubo kaj ĝuis tre interesajn programerojn proponitajn kaj aranĝitajn dank'al ĝi. Multaj klubanoj iĝis veraj 'ret-kolibroj' kaj ĉeestis aliajn renkontiĝojn, kiuj ja abundis. Eble ĉe iu kunveno ni aŭdos pri someraj vojaĝoj - retaj kaj ne-retaj.

Ĉiuj el ni do kontribuis kiel ili povis al la disvastigo de Esperanto kaj de internacia komunikado. Tiel ni pravas al skeptikuloj ke Esperanto estas viva lingvo kiun homoj uzas ĉiutage.

Jam dum jaroj mi aktivas en Pepilo (*Twitter*) - sed nur dum la pandemia tempo mi komencis kontribui al Esperanta konto 'La Tago Hodiaŭ' kaj tiel iĝis raportisto (kun fotoj) pri vetero en Londono. Tiel mi kombinis mian amon pri fotado de naturo kaj Esperanto. Mi trovis bonegajn kontojn: 'Birdoj en Esperanto', 'Bestoj en Esperanto', 'Floroj en Esperanto', 'Fungoj de la mondo' kaj foje kontribuas aŭ almenaŭ laŭdas kaj kuraĝigas aliajn.

Ĉiuj povas trovi ion interesan en Pepilo. TEJO kaj EAB estas tie, Pola Retradio, La Balta Ondo, kaj la Akademio de Esperanto. Ekde Junio '21 mondaj novaĵoj aperas en Esperanto en la konto 'Globobs - vidu la mondon alimaniere' (temas pri maŝina traduko, sed la rezultoj estas nemalbonaj - kaj eblas volontuli pri redaktado). Centoj da Esperantistoj mondscale pepas. Kaj eble jam baldaŭ ankaŭ LEK?

Gravas trovi sian niĉon: instruemaj homoj instru, verkemaj verku, tradukemaj traduku, prelegemaj prelegu, nu, kaj pepemaj, pepu. Ni uzu Esperanton ĉiutage kaj kreu interesan enhavon, kuraĝigu talentulojn kaj subtenu unu la alian en tempoj bonaj kaj ne tiom bonaj.

Tio estas, laŭ mi, la plej bona propagando de nia kara lingvo.

Sanon kaj kreaĵojn energion al ĉiuj!
Olga Kerziouk



La konsilantaro invitas viajn komentojn. Tio helpos nin finpretigi la labor-planon. Sendu komentojn al la prezidantino Olga Kerziouk, okerziouk@icloud.com.

Malneto de laborplano por la Londona Esperanto-Klubo



Informado

- vastigi la retan paĝaron, tiel ke ĝi iĝu ankaŭ informfonto en la angla por ne-Esperantistoj.
- anonci pri Esperanto en Facebook aŭ aliaj sociaj retejoj; krei novan Pepilan konton, en kiu oni parolu pri 'Niaj libroj en/pri Esperanto' ('Libroj en Esperanto' jam ekzistas; eldonejo *Impeto* havas ĝin); kaj informi tie pri novaj kaj malnovaj libroj; kontribui kaj subteni aliajn Esperantajn paĝojn en Pepilo (ekz. Bestoj en Esperanto, Floroj en Esperanto, Birdoj en Esperanto; La Tago Hodiaŭ). Tio montros, ke Esperanto estas vivanta lingvo kaj ke Esperantistoj de diversaj landoj interŝanĝas fotojn/informojn ĉiutage.
- Kunlabori kun la kuratorino de la Esperanta Kolekto de la Brita Biblioteko D-ino Katie McElvanney per: sugestoj de novaj libroj por aĉeto; organizado de donacoj al la kolekto; verkado de blogoj (en la angla) por *European Studies Blog*; sekvi kaj kontribui al la Pepil-konto de European studies (foje ĝi pepas ankaŭ pri Esperanta Kolekto).
- Ni provu varbi ankaŭ 'junajn' geemeritojn, ekz. per prezentoj al WI (*Women's Institute*), U3A (Universitato de la Tria Aĝo) kaj al aliaj organizoj kun programo de kunvenoj kaj ĉiama bezono de prelegantoj.

Instruado

- subteni la retajn kursojn de la 'Londona kursaro', kiu iĝos kursaro de LEK.
- Lingvaj seminarioj por spertaj klubanoj.

Utiligado

- organizi la vendredajn kunvenojn ĉeeste kaj rete; daŭrigi nian kunlaboron kun la Antverpena klubo ankaŭ post la pandemio.
- eldoni bultenon por la membroj.
- zorgi pri la Esperantista vivo de la membroj per komunaj eventoj tra la jaro (tradiciaj Zamenhofa Festo, Novjara festado, Somera promeno; Lingva seminario).
- ĉu rekomenci du aliajn: "Pioniroj de Esperanto" kaj "El mia librobretaro"? Ĉu enkonduki novan: "El mia muzika skatolo" - se nun ni havas pli da muzikemuloj?) kaj aliajn.
- akcepti Esperantistojn el aliaj regionoj kaj landoj.

Administrado

- fronti la problemon de forlikado de la kluba kapitalo: ĉu estus iel eble enspezi pli, elspezi malpli (sen ĉesigi aŭ difekti nepran agadon)?
- trovi manieron sekure konservi fizikajn posedaĵojn kaj arĥivojn de LEK, tiel ke membroj povu ilin aliri, kaj ke iu povu iam verki historion de LEK, ek de jaro 1978 (kiam finiĝas *Londono vokas*, kiun verkis Harry Holmes).

• konformigi la regularon de LEK (inkluzive oficlaron kaj ties respondecoj) al cirkonstancoj ŝanĝiĝantaj post ellaboro kaj akcepto de nova laborplano.

Ĉu leterpoŝte, ĉu podofoe – aŭ eble ambaŭ?

Tiu demando rilatas al via LEK-Bulteno, kaj al ties estonta liver-metodo. Tamen menciindas ankaŭ metodoj estinta kaj estanta. (Se tio ne interesas vin, bonvolu tuj legi nur la finan paragrafon!) Dum mezaj jaroj de la dudeka jarcento, kiam klubanoj multnombre renkontiĝadis ĉiuvendre en Fred Tallant Hall, 153 Drummond Street, alveninto povis mem preni el skatolo ekzempleron de ĵusaperinta Bulteno, kaj skribe konfirmi bonordan ricevon. Nur al tiuj, kiuj ial ne ĉeestis tiun kunvenon, oni poste sendis ekzempleron per leter-poŝto. Tiel fari minimumigis elspezon pro kovertoj kaj afranko.

Kvankam LEK-Konsilantaro daŭre celis (kaj ne malofte sukcesis) disponigi Bultenon al ĉeestantoj de vendreda kunveno, tamen konstante kreskis en lastaj jaroj la proporcio sendata perpoŝte. Fojfoje, kiam ial okazis prokrasto de aperdato, eĉ necesis (por ke oni sciu pri grava evento baldaŭ-okazonta) ekspedi Bultenon al ĉiuj klubanoj.

Alvenis tamen Interreto, kaj kreskis la nombro de LEK anoj kun retpoŝtadreso. Al ĉiuj, kiuj informis la Registriston pri tiu adreso, oni nun povas sendadi Bultenojn elektronike, kiel dosieron pdf-formatan. Kelkaj el tiuj jam petis al ni, ke oni ĉesu sendi ankaŭ paperan ekzempleron.

Komence de jaro 2022, ĉiu klubano ricevos inviton reaniĝi. Tio demandos, interalie, kiel vi volas ricevi Bultenon: nur per retpoŝto, nur per leterpoŝto, aŭ ambaŭmetode. Oni plenumos tiun elekton ek de dato de via reaniĝo. Se vi deziras plenumon pli fruan, bonvolu vian preferon tuj komuniki al la Registristo, anica_page@btinternet.com.

Solve de la enigmo en la antaŭa bulteno

Tio, kion oni nepre ne tuŝu, estas la FUNDAMENTO (de Esperanto, kompreneble). La dek fiŝoj estis EGLEFIN, MORU, HARING, SARDIN, SALM, SKOMBR, PLATES, TINUS, TRUT, SOLE. Solve: FUNDAMENTO.



Funkciuloj

Londona Esperanto-Klubo

Honora Prezidanto: Prof. John Wells; Honora Vicprezidantoj: Heleno Fantom, Joyce Bunting. Konsilantaro: Olga Kerziouk (Prezidanto), Anthony Bodineau (Vicprezidanto), Matt Peperell (Vicprezidanto), Renato Corsetti (Sekretario kaj Programo), Arturo Prent (Kasisto), Anica Page (Registristo), Antony Rawlinson, Phil Housley, Terry Page. Maurizio Giacometto (Kompilisto de la Bulteno).